

Oqaatsinik Pikkorissarfiup siulersorneqarnera pillugu Namminersornerullutik Oqartussat nalunaarutaat

Oqaatsinik Pikkorissarfik pillugu Inatsisartut inatsisaanni nr. 14-imi, ulloq 6. november 1997-imeersumi § 2, imm. 4, aamma § 3, imm. 4, aamma § 7 naapertorlugit aalajangersarneqarput:

§ 1. Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq Oqaatsinik Pikkorissarfiup siulersuisuinit ilaasortassanik tallimanik inuussutissarsiorneq aqqutigalugu, tamatumunnga ilanngullugit aatsitassarsiornermut, takornariartitsinermit niuernernullu attuumassuteqartut, oqaatsit ataatsit amerlanerusulluunniit iluanni ilisimasalinnik paasisimasaqartunillu toqqaasassaaq.

Imm. 2. Siulersuisunut ilaasortat imm. 1-imi taaneqartut saniatigut Oqaatsinik Pikkorissarfimmi ilinniartitsisut siulersuisunut ilaasortassamik ataatsimik aalajangersimasumik ilinniartitsisutut atorfillit akornannit toqqaassapput.

§ 2. Siulersuisut nakkutigissavaat Oqaatsinik Pikkorissarfiup ingerlatai anguniagassatut najoqqutassatullu aalajangersarsimasap iluanni ingerlanneqarnersut.

Imm. 2. Siulersuisut pisussaapput Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq pissutsinik pingaarutilinnik Oqaatsinik Pikkorissarfiup sulineranut sunniteqarsinnaasunik ilisimatittuartaasallugu.

§ 3. Siulersuisut sulinerannut atasumik angalanernut najugaqarnermullu aningaasartuutit Oqaatsinik Pikkorissarfimmit akilerneqartassapput.

§ 4. Oqaatsinik Pikkorissarfik siulersuisunut inassuteqartassaaq makku pillugit

- 1) ilinniartitaanerni pikkorissaanernilu anguniagassat imarisassallu,
- 2) Oqaatsinik Pikkorissarfiup ingerlataani atuartitsinermit najoqqutassat, aamma
- 3) ilinniartitaanernik pikkorissaanernillu neqeroorutininik nutaanik aallartitsinissaq.

§ 5. Siulersuisut killiliussatut najoqqutassiaat tunngavigalugit Oqaatsinik Pikkorissarfiup suliasat makku isumagissavai:

- 1) Ilinniartitaanernut pikkorissartitsinissanullu nutaanut siunnersuusiorneq aamma i-linniartitaanernik pikkorissartitsinerinillu ingerlanneqareersunik nutarterisarneq.
- 2) Ilinniartitaanerit pikkorissartitsinerillu imarisassaannik aqqissuussineq, tamatumunnga ilanngullugit ilinniarnissamut pilersaarusiorneq, ilinniartitsinermit ilitersuusiorneq atortussiornerlu.
- 3) Kalaallit Nunaata avataani oqaatsinut atuarfimiinnernik aqutsineq, tamatumunnga ilanngullugit pikkorissartunik ilinniarniartunillu ilitersuineq.
- 4) Inunnik ataasiakkaanik, atorfeqarfinnik suliffinnillu Kalaallit Nunaanni taamatullu Kalaallit Nunaata

avataani oqaatsinik pikkorissarnissamut oqaatsinillu ilinniartinne-qarnissanut periarfissat pillugit ilitsersuineq.

§ 6. Oqaatsinik Pikkorissarfik ilinniartitsinermut tunngasutigut siunnersuisoqatigiinnik pilersitsissaaq, tassanilu ilaasortaassapput ilinniartitsinermi suleqataasut tamarmik aamma siunnersorti Kalaallit Nunaata avataani oqaatsinut atuarfimmiiittoqartarnernut tunngasunik suliaqartoq.

Imm. 2. Ilinniartitsinermut tunngasutigut siunnersuisoqatigiinni ilaasortat ataatsimiinnerni pinngitsooratik peqataasartussaapput.

§ 7. Ilinniartitsinermut tunngasutigut siunnersuisoqatigiit suliassat pikkorissarfimmi pisortamit siulersuisunillu saqqummiunneqartut tamaasa pillugit oqaaseqaateqartassaaq.

Imm. 2. Ilinniartitsinermut tunngasutigut siunnersuisoqatigiit Oqaatsinik Pikkorissarfik pillugu apequtini ilinniartitsinermut, aqutsinermut aningaasanullu tunngasuni pingaarutilinni tamani ilanngunneqartarsinnaavoq.

§ 8. Ilinniartitsinermut tunngasutigut siunnersuisoqatigiit suleriaasissani, tamatumunnga ilanngullugit ilinniartitsinermut tunngasutigut siunnersuisoqatigiit siulersorneqarnerat pillugu aalajangersakkat, nammineq aalajangersassavai. Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfik suleriaasissaq pillugu ilisimatinneqartassaaq.

§ 9. Nalunaarut 1. oktober 2005 atuutilissaaq. Tassunga atatillugu Oqaatsinik Pikkorissarfup siulersorneqarnera pillugu Namminersornerullutik Oqartussat nalunaarutaat nr. 5, 16. februar 1998-imeersaq atorunnaarpoq.

Namminersornerullutik Oqartussat, ulloq 19. august 2005

Henriette Rasmussen

/

Claus Kleemann

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut